
СЎХДА БАРПО ЭТИЛАЁТГАН ЯНГИ НАСОС СТАНЦИЯСИ 1400 ГЕКТАР СУВСИЗ МАЙДОНГА ҲАЁТ БАҒИШЛАЙДИ, ҲУДУДДА ЁШЛАР БАНДЛИГИ ТАЪМИНЛАНАДИ

Вилоят ҳокими Хайрулло Бозоров Сўх туманида амалга оширилаётган ижтимоий-иқтисодий лойиҳаларнинг ҳаётга тадбиқ этилиши жараёнларини ўрганиш чоғида янги барпо этилаётган “Қайроқ-1” ва “Қайроқ-2” насос станцияларида олиб борилаётган ишлар билан танишди.

“Қайроқ” массивидаги сувсиз ерларни ўзлаштириш учун қурилаётган насос станцияси лойиҳасининг умумий қиймати 92 миллиард сўм бўлиб, 211 метр баландликда жойлашган 1400 гектардан зиёд майдонни сув билан таъминлаб, ўзлаштирилишига имконият яратади. Янги ўзлаштириладиган ерлар кооперация ташкил этиш йўли 50 сотихдан ҳудудда яшовчи ишсиз ёш оилаларга бўлиб берилади.

“Сўхгидроқурилиш” МЧЖ томонидан қурилиш ишлари олиб борилаётган станцияга 3 дона Германияда ишлаб чиқарилган насос ҳамда 1800 квт. ҳажмдаги электродвигатель ўрнатилиб, Сўх дарёсидан сув олиш тўғони барпо этилмоқда.

Янги ерларнинг ўзлаштирилиши Сўх туманида ишсизлик масаласини ҳал этишдаги аҳамиятига эътибор қаратган вилоят ҳокими, объектни 6 ой ичида фойдаланишга топшириш бўйича қатъий кўрсатмалар берди.

Бизни ижтимоий тармоқларда кузатинг [Facebook](#),
2021-02-12 10:24:46